

Kalaallit Nunaanni aningaasanoorutit ilaasa akitsuutaat pillugit nalunaarut

Kalaallit Nunaanni aningaasanoorutit ilaat pillugit inatsimmi nr. 223, 22. marts 2011-meersumi § 34 aamma § 46 naapertorlugit makku aalajangersarneqarput:

Kapitali 1

Nalunaarsuineq

§ 2. Aningaasanoorutit neqeroorutiginiisaannut akuersissutit marluk akunneqanngitsumik akuersissutaareersimappata aningaasanoorutit akitsuusigassaataasut neqeroorutiginiissat pillugu nalunaarsugaareersoq nutarterneqarsinnaangilaq.

Kapitali 2

Naatsorsuutit akitsuutillu nalunaarutiginiissat pillugit aalajangersakkat

§ 2. Inuit ingerlatseqatigiiffiillu il.il. (allat sinnerlugit inatsisisitigut ingerlatsisut) aningaasanoorutit neqerooruteqarsinnaasutut nalunaarsukkat akitsuuteqarfiit tamaasa naatsorsuusiussavaat akitsuut akitsuuteqartitsinerup naanerani nalunaarutigineqartoq naatsorsuutini ersersillugu. Akitsuutip nalunaarutiginninnerani naatsorsuutit suliarineqareersimassapput.

Imm. 2. Niuertut naatsorsuutaanni nalinginnaasuni naatsorsuutit suliarineqassapput. Inuit ingerlatseqatigiiffiillu il.il. (allat sinnerlugit inatsisitigut ingerlatsisut) nalunaarsukkat naatsorsuuserineq pillugu inatsit malillugu naatsorsuuserisussaataannikkaluilluunniit piomasqaatit naatsorsuuserinermut inatsimmi aalajangersakkat naammassissavaat, taamaattorli takuuk imm. 3. Naatsorsuuserinermik inatsimmi qarasaasiakkut naatsorsuuserineq pillugu aalajangersakkat nalunaarut manna malillugu naatsorsuuserinermi aamma malinneqassapput.

Imm. 3. EU-mi tassaniluunniit aningaasatigut suleqatigiiffimmi allami pilersinneqartumik akitsuusigaasussaataasup danskit naatsorsuuserinermut inatsisaanni piomasqaatit naammassinissaannut taarsiullugu nunami pilersitsiffimmi piomasqaatit naammassinissaat toqqarsinnaavai.

Imm. 4. Aningaasanoortitsisartoq arlalinnik neqerooruteqarnissamut akuersissutit pigisalik, akuersissutit imm. 1-imi taaneqartut tamaasa immikkoortillugit naatsorsuusiorsinnaavoq, taamaattorli takuuk imm. 5.

Imm. 5. Aningaasanoortitsisartoq Danmarkimi Kalaallillu Nunaanni akuersissutit pigisalik imm. 1-imi taaneqartut ataatsimoortillugit naatsorsuusiorsinnaavoq.

§ 3. Naatsorsuutit paasissutissanik makkuninnga ullulersukkanik tamatigut imaqartinneqartassapput:

- 1) Aningaasanoortut aningaasanoorutitut akiliutaat.
- 2) Eqqukkat tunniussat.
- 3) Aningaasanoortitsisup pissarsiai.

§ 4. Hiistit qimmillu sukkaniutsinnerannit eqquinaasitsinermut akuersissutinik pigisallit banit ataasiakkaat tamaasa immikkut aamma banit avataanni eqquiniarfiit naatsorsuusiussavaat.

§ 5. Inatsimmi § 28, imm. 4 malillugu eqqukkanut akitsuutit akilerneqarsimangippata eqqukkanut naatsorsuutit aamma eqquiniutit tuninngisat aningaasartaat eqqugassat eqqukkallu aaneqanngitsut tullianik eqquinaatitsinermi nutaami atorineqartussat immikkut uppersarsaasikkat eqquinaatitsinissamut akuersissummik pigisallip naatsorsuusiussavai.

§ 6. Eqquinaasitsinerni ataasiakkaani ingerlanneqartuni aningaasat ullumikkut nalingat malillugu naatsorsuusiortoqassaaq.

Imm. 2. Inatsimmi §§ 28 aamma 29 malillugit akitsuusigassat naatsorsornerat akitsuutillu akilerneqarnerat danskit koruuniinut naatsorsorlugit ingerlanneqassapput. Naatsorsuutit tamakkerlugit ilaannaalluunniit nunap allap aningaasaata nalinganut naatsorsuusiorneqarpata aningaasat nalingi (akitsuutitut tunngaviusut) tamaasa immikkut katinnerat danskit koruuniinut nuutinneqassapput. Ullormi nalunaaruteqarfimmi danskit koruuniinut nuutitsisoqassaaq. Nuutitap nalingata naatsorsornerani nunap pineqartup aningaasaata nalinga Danmarks Nationalbankimit annertussusilerneqartoq malinneqassaaq imaluunniit akitsuusiinermi nali kingulleq danskit akitsuusiinermut akileraarusiinermullu ingerlatsiviannit annertussusiligaq malinneqassaaq. Nuutitsinermi nalit toqqarneqartut sivikinnerpaamik ukiuni marlunni pituttuisumik malinneqassapput.

§ 7. Naatsorsuutit, bilagit naatsorsuuserinermilu atortut allat ukiup naatsorsuusiortifiusup naanerani ukiuni tallimani suliffeqarfimmit nalunaarsukkamit toqqortarineqassapput.

Imm. 2. Aningaasanoorutit akitsuutaat pillugit inatsimmi § 20 malillugu nunami allami suliffeqarfik maani najugalimmik sinniisoqarpat naatsorsuutit nunami maani sinniisumit toqqortarineqassapput.

§ 8. Akitsuusikkat nalunaarutiginerisa saniatigut aningaasat akitsuutip (tunngaviusup) naatsorsorneranut tunngavigineqartut paasissutissiissutigineqassapput.

Kapitali 3

Kingunerititassat aamma nalunaarutip atuutilerfia pillugit aalajangersakkat

§ 9. Nalunaarummi uani aalajangersakkanik piaaraluni annertuumilluunniit mianersuaalliornikkut unioqutitsinerit akiliisitaanermik kinguneqartinneqassapput, inatsimmi kapitali 14 malillugu sakkortunerusumik kinguneqartitsisoqanngippat.

Imm. 2. Ingerlatseqatigiiffiit assigisaallu (allat sinnerlugit inatsisitigut ingerlatsisut) Kalaallit Nunaanni pinerluttulerinermik inatsimmi kapitali 5-imi malittarisassat malillugit kinguneqartitsinissamut akisussaatinneqarsinnaapput.

§ 10. Nalunaarut manna 1. januar 2012-imi atuutilerpoq.

Akilerartarnermut ministereqarfik, ulloq 5. December 2011

THOR MÖGER PEDERSEN

/ Lars Henry Nielsen